

منفی منم منم لیک مسابقه سی

آذربایجانلی لارین یاشایب فعالیت ائتدیکلری محیطلرین ساغلام لیغی حاقدادانیشماق واختی چوخدان گلیب چاتمیشدی. بو محیطلره کؤلگه سالان مهم بیرخسته لیگین آدی نی "منفی منم منم لیک مسابقه سی" قویماق اولار. داخل ده و خارج ده آذربایجانلی لارین فعالیت ائتدیکلری شهرلرده بو مسابقه نین جریان دا اولماسینا شاهدی بیک. بو خسته لیگین زمینه لری، نئجه جریان ائتمه سی، سجه لری و عامل لری بو مقاله ده بحث اولور.

بوفنومن (phenomenon) ماهیت جه بیر خسته لیک اولدوغو حالدا فورم باخیمیندان بیر مسابقه کیمی جریان ائدیر. بو مقاله ده مسئله نین ماهیتی یا فورمو نظرده اولدوغوندا آسیلی اولاراق "خسته لیک" یا "مسابقه" سؤزلری ایشله نیر.

بو مقاله ده حال حاضرده داخل ده و خارج ده گندهن آذربایجان ملی مدنیتی حرکتی یئری گلدیکجه کئچمیش ده کی سول سیاسی حرکت له مقایسه اولموش دور. ماهیت جه بویکی نمونه آراسیندا فرقلر نه قدر بویوک اولسادا، بئله بیر مقایسه استدلال و آراشدیرماتدولوژی سی باخیمیندان دوزگون دور.

مقاله ده آلمان دان گلیمیش بیر مکتوبون سطرلریندهن شاهد کیمی استفاده اولموش دور. بو مکتوب دا گلن آدلار مستعار دیرلار.

مسابقه نئجه گئدیر؟

بیر شهر یا آذربایجان آکتیویست لری نین بیربیرینی تانیدیق لاری محدود بیر محیط ده بو آکتیویست لر بیربیرلرینی گؤز آلتیندا ساخلا ییرلار. بوردا هر کسین حقیقی یا فرضی موفقیتی اونون اوچون آلدی ائدیلمیش بیر "امتیاز" ساییلیر. بوردا اولابیلرکی بو "امتیاز" آلدی ائتمیش شخص اؤزو بو موفقیت دهن خبری اولماسین. یعنی "موفقیت" فرضی اولسون. بوردا **صابر** آدلی بیر آذربایجان آکتیویست ینی نظرده آلین. بیربیرینی نظارت آلتیندا ساخلامیش طرفلر آراسیندا جمع یا بیر نئجه نفرین باخیمیندا اصابر بیر موفقیت نتیجه سینده امتیازلار کسب ائتمک، دقت مرکزی و صحنه ایشیغیندا اولماق (be in the limelight) و بوتون بونلارلا اونون اعلان اولمامیش آما جریان دا اولان مسابقه ده غالب گلدی یی یقین ساییلیر. صابری بو مسابقه ده غالب اعلان ائدهن عامل کچیک یا بویوک، حقیقی یا فرضی و صابری اؤز گؤزونده اهمیت لی یا اهمیت سیز اولابیلر مثل اوچون: بویوک یا کچیک بیر اجلاس دا چیخیش ائتمک، بیر تشکیلات دا مسئولیته سئچیلیمک، بیر کتابین ترجمه سی یا بیر غازئت نشر ائتمک، مهم ساییلان باشقا بیر شخصیت له یاخین مناسبت ده اولماق و بویکی واسطه لرله اؤزونون ایسته ییندهن آسیلی اولمایاراق بو مسابقه ده غالب تانینا بیلر. ایندی اؤزونو اودوموش

منفی منم منم لیک مسابقه سی

گوره نلر هامیسی چالیشیر لارکی یازیق صابری آلدی ائدی بی امتیازلاردان محروم ائدیب اونوصحنه ایشیغیندان اوزاق لاشدیر سینلار. بو فنومن اوچون وئرلین آددا "منفی" صفتی بوردان ایره لی گلیر. عادتاً بیر مسابقه ده غالب گلیمک ایسته یین شخص اوزونویاخیسی لاشدیر مالی دیر با شقا سؤزله اوزونو "اثبات" ائتمه لی دیر. آما بو مقاله ده مباحثه اولان مسابقه تامامیله منفی دیر و باشقالاری نین خاراب ائتمک یا همان اولناری "انکار" ائتمک ایله قاباغا گئدیر.

خسته لیگین سجه لری

بیر: یاییلمیش آما یانلیش بیر آنالیشا گوره بو فنومن "شخصی" اختلاف لار" آدلانیب. بو "شخصی" صفتی بیر اعتبارا دوزگون دیر. آخی بو اختلاف لار پارتیالار یا قوروب لار آراسیندا یوخ، شخص لر آراسیندا گئدیر. آما دقت ائتمک لازم دیرکی بوردا اختلاف لارین موضوعو شخصی دئیل دیر و اگر بیر یا نجه طرف اوزونو آذربایجان مسئله سی ایله باغلی اولان فعالیت لردن کنارا چکیرسه بوتون بو اختلاف لاردان دا یاخاسینی قورتاریر. باشقا طرفده بو مسابقه چوخ گؤزل شخصی مناسبتلری اولان صمیمی و یاخین دوست لار آراسیندا داهادا گرگین بیر حال دا جریان تاپا بیلیر. چونکی بو یاخین دوستلار بیربیرینه قارشی مقایسه و مسابقه حسیاتینا داهاتنز و راحت قاپیلیرلار. بئله حال لاردا مسابقه نین حدتی هئچده آز اولمور، تکجه بو مسابقه ده اوتوزموش دوست لار اوز آجیغ لارینی استتار ائتمک اوچون ریاکارلیق، ایکی اوزلولوک و باشقالارینی قیزیشدیرماق یولوايله انتریقایا (داخلی اختلاف لارا) داخل اولورلار.

ایکی: خسته لیگین باشقا مهم بیر سجه سی اونون یئرلی (محلی: local) اولدوغو دیر. بو مسابقه

محدود بیر محیطده و بیر بیرینی دائمی گؤزاؤنونده ساخلا یاییلن آداملار آراسیندا گئدیر. باشقا سؤزله اگر حسین یاخیندان صابرین فعالیت لری و اونون موفقیت لری نین جریانیندا دئیل، اونا قارشی بیر یاریش و پاخیل لیک مناسبتی ده بسله یب بیلمز.

اوچ: بو مسابقه سیاسی باخیمدان آزچوخ نئوترال دیر، یعنی طرف لرین

بیر یا مختلف سیاسی فکرلر صاحبی اولدوغو چوخ واخت بیر رل اوینامیر. یعنی مسابقه ده اشتراک ائدن یا اوزونو مسابقه شرایطینده حس ائده نلر، بیر مشترک سیاسی فکرده ده اولا بیلرلر، فرقلی سیاسی فکرلر صاحبی ده اولا بیلرلر.

مشترک یا فرقلی سیاسی فکرلر صاحبی

ایکینجی و اوچونجو سجه لری بیر یئرده بئله افاده ائتمک اولار: بیر شهرده (بیر مسابقه میدانیندا) سیاست، سلیقه، شخصی کاراکترلر باخیمیندان بیربیرینه یاخین و حتی یاخین دوست لار آراسیندا انتریقالار گرگین لیکله گئدیر آما آیری آیری شهرلرده بوتون بو باخیم لاردان هئچ بیربیرینه یاخین اولمایان آداملار بیربیرینی یاخشی جاباشا دوشورلر و بیربیری نین فعالیتلرینه اویکتیو قیمت وئره بیلرلر (ارزیابی ائده بیلرلر).

منفی منم منم لیک مسابقه سی

سبب لر

هر اجتماعی حرکت انسان لارین (فردلرین) بیرلشمه سینده و همکارلیغیندان یارانیر. سؤز یوخدورکی بو "فرد" لرین هر بیرین احوال روحیه سی اؤز تأثیری نی حرکتین عمومی سجه سینده (کاراکترینه) قویمالی دیر. بو تأثیر هم مثبت و هم منفی دیر. بومقاله نین آراشدیردیغی منفی بیر فنومن اولدوغوندان بو "فرد" لرین منفی سجه لرینی آراماق لازم دیر. طبیعی دیرکی آداملارین منفی (اٹله جه ده مثبت) کاراکترلری نین اجتماعی حرکتلره تأثیر قویماق درجه سی، بیر چوخ حالدا عمومی شرایطده ن آسیلی دیر. بونا گؤره ده یوخاری دا شرح ائدیلمن خسته لیگین سبب لرینی آرایارکن عمومی شرایطده ن دوغولان عامل لر، فردلرین پسیکولوژی احوالاتی و رُل لای ایله بیرلیکده وئرلییر.

۱- اجتماعی حرکتلره سیغینان اوغور سوزلار

شاه رژیمنه قارشی اولان سولچی حرکت ایرانین چوخ جهتده ن یاخشی گونلری ساییلا بیلن دؤورده یاییلیردی. اوزامان دنیانین دؤرد گوشه سینده طلبه لر (دانشجولار) و اساساً اورتا طبقه یه منسوب اولان جاوانلار (اوتوپیک) یئنی بیر دنیا یارادماق عشقینه ایدیلر. بو حرکت چوخ اؤلکه لر، او جمله ده ن ایراندا اونیورسیتت لر و تحصیل اوچاقلاریندا قالب، اهالی آراسینا چیخا بیلمه دی.

بوگون ۱۹۹۰ جی ایلده ن یئنی مقیاس لارلا عرصه یه چیخمیش آذربایجان حرکتی بام باشقا سوسیال پسیکولوژی زمینه لرده ن قالمیش دیر. بیر اسلام انقلابی، عراق ایله ۸ لیک محاربه، کئچمیش سیاسی فعالیت لرین آجی تجربه لر، مهاجرت و اونونلا باغلی عائله بحران لاری، تکلیک، سولگون لیک (depression) و سایر روحی خسته لیکلر، یئنی اؤلکه لرده اولان اویقونلا شماق (integration) کیمی چتین لیک لرله آل به یاخا اولان انسان لارین یوخاری داکی نمونه یعنی شاه دؤورینده ایراندا گیزلی سولچی لیک حرکتی نین اشتراک چیلاری آراسیندا اولان فرق لر آیدین دیر.

دئمه لی آذربایجان آکتیویستلری داها مرکب بیر اجتماعی شرایطین محصول اولدوقلاری حالدا، اولارین مختلف سببلرده ن و مختلف سویه لرله حرکتی ده اشتراک ائتمه لرینی ادعا ائتمک اولار.

یئری گلمیش کن بو ایکی حرکتین اهالی ایله مناسبتلری ده فرقلی و ماراخلی دیر. آذربایجان حرکتینده بیز عادی جماعتین حضورینده ن اوزاق و اولارین اینام لاری ایله تام ضد اولان صرف بیر انتلکتوئل حرکت یئرینه، اهالی نین احوال روحیه سی و عادت عنعنه لرینه یاد اولمایان بیر اجتماعی حرکتین شاهدی بییک. جماعته یاد اولماماق و حرکتین اونیورسیتت لر و زندان لار دیوارلاری حصاریندا محبوس اولماماسی آذربایجانلی لارین ملی مدنی فعالیت لرینی آپاران قوه لرین سیرالاریندا اؤز تأثیرینی بوراخمیش دیر.

آذربایجان آکتیویستلری نین فعالیت جرگه سینده گلن لرین بیر حیصه سینین "سیغینمیش لار" (پناه گتیرمیشلر) آدلاندیرماق اولار. بونلار اؤز تکلیک لرینده ن، تحصیل، ایش، یا شخصی حیات لاریندا اوغور سوزلوق لاریندا و یا شادیقلاری جمعیت لرده (جامعه لرده) دوچار اولدوقلاری هویت سبب لیک لرینده ن حرکتین سیرالارینا اوز گتیریرلر. اوغور سوزلارین

منفی منم منم لیک مسابقه سی

(ناکام لارین، نامرادلارین) اجتماعی حرکت لرده اؤز درد لرینه توخداق آختارمالاری تاینمیش بیر فنومن دیر. انگلتره عالمی اریک هوفر (Erik Hoffer) ۱۹۵۱-ده اؤزونون (حقیقی مؤمن): (The True Bliver) آدلی کلاسیک اثرینده اوغورسوزلار و طفیلی لرین اجتماعی حرکت لره جذب اولماسینی عالمانه بیر طرزده ایضاح اندیر:

"اونلارین آن بؤیوک آرزولاری یثنی بیر حیات صاحبی اولماق سیرینی ده دوغولماق- دیر و اگر بو یولدا موفق اولماسالار ایسته بیر لری یثنی ارزشلره، یثنی آرخایین لیق و تازا اومیده آل تاپسین لار، بیر یثنی مقصده اینام و یثنی ده یئر ایستیر لری اونلارین واسطه سیله مقدس بیر شی ایله یولداش لیق و همکار لیق ائتسین لر." (ص ۳۰)

اوغورسوزلوغ البته انسانی داها آغیر روحی چتینلیک لر قارشیسیندا قویا بیلر. عؤمرونون آکتیو دؤورینی آرخادا قویماقدا اولان و بو دؤورین نتیجه سیله راضی لاشایلمه ییب اؤزونو حیات دا ناکام گؤرمک انسانی آغیر روحی بحران لار قارشسی سیندا قویور و بو بحران لاردان چیخماق اوچون اجتماعی حرکت لره قوشولماق بیر آلت رناتیو کیمی گؤرونور. فرانسالی عالم، ریاضیات چی، فیلسوف و طبیعت شناس پاسکال (۱۶۶۲-۱۶۶۳) (Blaise Pascal) ۳۵۰ ایل قاباخ "دوشونجه لر" آدلی اثرینده بئله یازیر:

"انسان ایستیر کی بؤیوک اولسون آما گؤرور کی کیچیک دیر؛ انسان ایستیر کی خوشبخت اولسون، آما گؤرور کی درین ده ن بدبخت دیر؛ ایستیر کامل اولسون آما گؤرور کی چاتیشما مازلیق لارلا دولودور. انسان چوخ ایستیر باشقالاری نین دقت و محبتینی جلب ائتسین، آما گؤرور کی اونون ضعف لری و چاتیشما مازلیق لاری باشقالاریندا اونا قارشسی میل سیزلیک و تحقیر حسی او یادیر. اونون اوتانماسی اوندان ائله یترسین عذاب و ثریجی و جنایتکار حسلر او یادیر کی تصویری ده ممکن اولاسی دئیل."

بئله لیکله آذربایجان ملی حرکتی نین سیرالاری اؤز ملی مدنیتی یادلارین هجوموندان قوروماق ایسته یین لر آراسیندا اوغورسوزلارین حضورو سؤز سوز دیر. بو فنومن کنکرت آدمالارین وجودینده گؤرسنه بیلمه سه ده، حرکتین بوتون لویونده بورا خدیغی ایزلردان یلماز دیر. البته بو اوغورسوزلارین و طفیلی لرین حرکت ووردوغو ضربه لر، اونلارین سایبی باخیمیندان آز اولدوقلارینا باخیماراق بؤیوک اولور. چونکی بیر مخرب قوه نین داغیتماق و خراب ائتمک گوجو، اونولار اوخشار مثبت بیر قوه نین یارادماق گوجونده ن قات قات آرتیق اولور. تصور اندین کی بیر ائوی اونلار و یوزلر ایشچی، اوستا، معمار و مهندس تیکیر آما همین ائوی سؤکمک اوچون بیر نئچه نفر هئچ اختصاص صی اولمایان آدم کفایت دیر. ائله آذربایجان ملی حرکتی نه پناه گتیرمیش اوغورسوزلار و سایر طفیلی لرین تخریب ائتچی گوجونون بؤیوک اولدوغودا بوردان ایره لی گلیر.

۲- یاش بحرانی:

اگر شاه دؤورینده سیاسی سول دوشونجه اطرافینا ییغیلان لار اورتا و عالی تحصیل آلماقدا اولان ۲۵-۱۵ یاشلی لاردان عبارت ایدی، بوگون آذربایجان آکتیویست لری نین بؤیوک اکثریتی ۴۵-۳۵ یاشیندا لاردان عبارت دیر. انسان ۲۵-۱۵ یاشیندا هله اؤز ترقی سی نی قاباخدا گؤرور. ۴۵-۳۵ یاشیندا لار ایسه آرزولاری نین چوخونچا تاما دیقلارینا اعتراف ائتمک

منفی منم منم لیک مسابقه سی

مجبوریتینده اولمالی اولورلار. اونلار اوچون گله جک او میدی ایله یاشاماغا بیر اساس گؤرسنمیر. بوگون آلدن گئدن و اؤزگه لرینه قسمت اولان "فرصت لر" ین گئری قاییتماغینا بیر او مید اولمادیغی حالدا دؤزولمز مغلوبیت لری کیمی گؤرسنیرلر.

۳- کئچمیش تجربه لر:

مقایسه اوچون سئجدی بی میز شاه دؤورینده کی سول چولوق حرکتی نین اشتراک چی لاری اؤز لری نین اسی سیاسی تجربه لرینی کئچیریرلر. بو حرکت رمانتیسیم دومانینا بورونموش ایدی. صوفی لرین "فنا فی الله" فلسفه سی بوردا "فنا فی خلق" فورمیندا حاکم روحیه ایدی. ثروت، راحت لیک و مقام دان قاجماق، اولومه ستایش ائتمک و "شهید" پرست لیک باشقا یاییلمیش احوال روحیه لرده ن ایدیلر. هامی "هوادر" ایدی و آرزو ائدیردی کی بیر زمان رهبرلرین یولوندا جانین فدا ائتسین.

بوگون آمما آذربایجان آکتیویست لری نین بؤیوک اکثریتی هم ایران انقلابی نین عمومی تجربه لری و هم ده هانسی سا بیر سیاسی تشکیلات دا مستقیم فعالیت لرین تجربه ائتمیش دیر. بو تجربه لر سیاسی فعالیت لرین اطرافیندا کی رومانتیسیمی کورلاییب وره برلرین مقدس، معصوم و آل چاتماز اولمالارینا اولان اینامی آرادان آپارمیش دیر. باشقا طرفده ن کئچمیش سیاسی فعالیت لردن افتخار سیز "پیاده" لر رولوندا چیخیش ائتمیش لر بوگون جبران مافات ائتمک اوچون داهاوز روحلاری نین "پیاده" کیمی اؤتن حقیر جسم لردن حلول ائتمه سیننه راضی دئیلر.

۴- حرکات ین علنی فورمو:

کئچمیش ده کی سول چولوق حرکتی تام گیزلی بیر مبارزه ایدی. رهبرلر و باشچی لاری گیزلی ایدیلر. حتی آشاغی لاردا کیمسه اؤزونو گؤزه چکمک و اؤز کیفیت لرینی آشکار ائتمک ایسته میردی. بیر چریک آینه سلاح آلانان سونرا اورتا حساب ایله ۶ آی (!؟) عؤمر ائدیردی. بعضی لری حتی اولنده ن سونرادا آد سیز قالیردی لار. بئله بیر شرایطه سول حرکت ین بوتون لایه لرینده مسیحیت تاریخی نین باشلانیش یندا کی شهیدلر و قدیس لرین حاقیندا کی افسانه روایت لردن نقل اولونان فداکار لیک لار کیمی بیر حال هوا یارانیردی و بو حال هوادا هئچ یئری اولمایان "منم منم لیک داواسی" ایدی. بوگون آمما آذربایجان آکتیویست لری داخلده و خارجه ده اؤز آدلاری و فتوشکیل لری ایله مطبوعات دا چیخیش ائدیرلر، سس و تصویر لری ایله رادیو تلویزی یالار و خطابه کورسی لری آرخاسینا چیخیرلار، اوردا بوردا مصاحبه وئریرلر و سایر. دئمه لی کیمین نه قدره و نه درجه ده دقت مرکزی و صحنه ایشیغیندا اولدوغونا هامی شاهد اولاییلر.

۵- سیاسی معلومات ین آزیغی

بو مدعانین ثبوتی اوچونده یوخاری دا کی کیمی حاضرکی آذربایجان حرکتی نی ایران ین کئچمیش ده کی سول حرکتی ایله مقایسه متدونان فایدالانماق اولار.

منفی منم-منم لیک مسابقه سی

۱۳۵۰ جی ایلرده ایراندا سول فکرلرله تانیس لیق صمد بهرنگی نین اثرلری باشدا اولماقلا اوشاق ادبیاتی ایله باشلانیردی. سونرا تاریخ، یثنی شعر، رومان، انسان تکاملی نین تاریخی، ادبی نقد، ادبی مجموعه لر، فلسفه، سیاسی اقتصاد و سایر موضوع لاردا کتاب لارلا دوام اندیلیردی. بونلاردان علاوه سوسیالیست اؤلکه لرده دوزلمیش فیلم لر، دنیا دا سول حرکت لرین خبرلرینی ایزله مک (نمونه اوچون یتنام محاربه سی و کوبا انقلابی نین خبرلری)، خارجی رادیولار قولا ق آسماق و... یول لاریله بیر جاوان اوشاق اؤز سولچی دنیا گؤروشونون اساس لارینی اؤیره نیردی. بو جاوان لار بویول لاری کئچرکن آکتیو یا ساوادلی سولچی اولماسالاردا؛ کتاب، مطبوعات، فیلم، تئاتر و موسیقی یه اهمیت و ثرمه یی و هر نه ده ن مهم مطالعه ائتمه یه عادت ائدی ب، سیستماتیک فکرلشمکله تانیس اولوردولار. بو پروسه نی کئچیرمیش جاوانلار سونرالار صرف مارکسیستی اثرلرله تانیس اولوب ساوادلارینی آزچوخ آرتیردی لار. سؤز یوخ کی نه دنیا دا کمونیسیم بیر گونه چیخدی و نه ایراندا بیر امکان تاپدی. بوگون بوتاریخه باخارکن نظرده آلین کی بوگون ایراندا ساوادلی لارین سای یوزده ۳۰-دان یوزده ۶۰-آ چاتدیغی حالدا آن آر کتاب و قازت اوخویان بیر اؤلکه دیر، آما همین بو جاوان لار بئله بیر اؤلکه ده هر هه سی مینلرله جلد کتاب اوخوموشدورلار. دقت ائدین کی حتی اگر آکادمیک متدلار اساسیندا بیر پلانلی مطالعه ائتمه سه لرده، اوخودوقلاری نین بؤیوک اکثریتی اؤز ایده ئولوژی لری نین بلا واسطه خدمتینده ایدی.

آذربایجان آکتیویست لری نین تنفس ائدی کیری آتمسفرین انتلکتوئل سویه سینی بیلیمک اوچون داخل و خارج ده کی آذربایجان مطبوعات اورقان لاری آراسیندا اؤزونه مخصوص یئری اولان «وارلیق» درگی سی نین آبونه و اوخونماق سویه سی نین چوخ آشاغی اولدوغونو شاهد گتیرمک اولار. تکجه بیر نکته یه اشاره لازم دیر. اگر یوخاری داشرح ائدیلن پروسه ارومیه یا قزوین ده اورتا مکتب شاگرد لری طرفینده کئچیریلیردی، بوگونکو معلومات سیزلیق و آختاریب، اوخویوب اؤیره نمه یه قارشی اولان ماراخ سیزلیق؛ استانبول، پاریس ده، مونترال دا، سیدنی، کپنهاک و بو کیمی دنیانین علم ومدنیت مرکز لری ساییلان شهرلرده باش وئیر. باشقا فرق ده بودور کی ۳۰-۲۵ ایل بوندان قاباخکی کمونیسیم وورغون لاری اگر اورتا مکتب شاگرد لری و اونیورسیتت لرین طلبه لری ایدیلر، آذربایجان ملی حرکتی نین بوگون خارج ده کی آکتیویست لری نین بؤیوک بیر قسمی دنیانین تانیمنیش اونیورستت لرینی بیتیرمیش علم آداملاری دیرلار. من بحث ین بو حیصه سی نی ده بوردا باغلا ییرام اگر بو مدعالارین فاکت اولدوغونا شک ائده ن اولسا، اوندا باشقا بیر فرصت ده بو مسئله یه قاییتماق اولار.

سیاسی معلومات ین آزیغی منم-منم لیک لر بحران ینا نه تأثیری اولایلر:

مقایسه ائدیلن مثالدا هر بیر سولچو جاوان کسب ائدی بی معلومات نتیجه سینده بیر انتلکتوئل مباحثه یه گیرمه یه هم موضوع تاپا بیلیردی هم بو موضوع لاردا دانشما غاسؤز. مرندین کندینده اوتوروب چین ایله شوروی نین یا فیدل کاسترو ایله چگوارانین اختلاف لارین دان بحث ائتمک، شوروی نین آمریکا ایله فضا تکنولوژی سی اوزره مسابقه سینده سون غلبه سینده ن خبر وئرمک، فرد هالیدی ین بی بی سی یه وئردی بی مصاحبه سینده شاه دان ائدی بی انتقاد، سوسیالیسمه چاتماق اوچون ساحلی مبارزه (مشی مصلحانه) و سایر. بو کیمی مین بیر موضوعون اولماسی داها

منفی منم منم لیک مسابقه سی

منم منم لیک لرین شخصی پلانلارا چکیلمه سینه بیر امکان وئر میدی. البته اوردادا دوست لار و مسلک داش لار آراسیندا طبیعی انسان مناسبت لری و بو مناسبت لرین ایچینده اؤز نوگۆزه چکمک جهدلرینی دانماق اولماز، آما بو مقاله ده مباحثه اولان منم منم لیک مسابقه سی یئرینه یئرلی یئرسیز "اظهار فضل" ائتمک و "اسرار مگو" دان خبردار اولماق ادعایاری وار ایدی. (بوردا او ایل لرده کی سول حرکتی نقد ائتمک یا او ایل لری ایده آلیزه ائتمک قصدی یوخدور، یوخسا همان حرکتین اؤزونون مسئله لری آز دئیل دیر).

۶-ملی ایدئولوژی نین فورمالاشماسی

ایندی آذربایجان اکتیویست لری آراسیندا گوجلو بیر ملی ایدئولوژی نین حتی اساس لاری دا آیدین دئیل دیر. نه بیر سیاسی پلاتفورم اوزره عمومی راضی لیق وار، نه بئله بیر ملی ایدئولوژی و سیاسی پلاتفورمین مباحثه سی نی باشلاماق اوچون لازم اولان نظری المنتلر مناسب بیر سویده یاقین و آیدین اولدوغونو ادعا ائتمک اولار. اگر بئله تئوریک استروکتورلارین معجزه ایله یارانیب یایلماسینا اینانماساق، بوردا بلکه تعجب دوغوران بیر شئی یوخدور. بیزده ن قاباخکی نسلین معنوی ارثیه سینده ن فایدالانماییب، اوزوموزده خیرداچی لیق لارلا مشغول اولارکن بو آغیر ایشله غیبده ن گلیب مشغول اولسالاردا بیزه اونون خیری نه اولایبلر. بو ساحه ده ماکیاولی نین معروف سؤزو دایمانه سسله نیر: **دین (یا همان ایدئولوژی) منم منم لیک لره غالب گلیب پرمیتیو انسان اجماع لاریندان بویوک دؤولت لری نین یارانماسینا لازم اولان زمینه نی یاراتدی.**

ملی ایدئولوژی ده ن دانیشارکن صحبت تئوریک اثرلرین یازیلما سیندان گئتمیر. چوخ ملت لر اؤز ملی آزادلیق مبارزه لرینی آکادمیک آراشدیرمالار اولمادان دا ایره لی سورموش لر. بوردا بیر ملت آراسیندا هامی نین نه ایسته دی بی حاقدا آله اولان عموم ملی بیر راضی لیق (عمومی وفاق) داها مهم دیر. آذربایجان لی لار آراسیندا بئله بیر راضی لیغین اولماماسی خوشا گلمز اولدوغو کیمی بیر فاکت دیر. ملی ایدئولوژی یه چاتماق اوچون او جمله ده ن زامان، مساعد شرایط و گوجلو آؤیتاتورلار لازم دیر. آیدین لیق اؤز نؤبه سینده تئوریک اثرلر، کتاب لار و مطبوعات اورقان لاری یارادیب، گئنیش مطالعه لر و مباحثه لره آل وورماق لا بو یولدا یاردیمچی اولایبلر.

بنه دیکت آندرسون ۱۹۸۳ده آمریکا و انگلتره ده (انگلستان دا) نشر اولونان "خیالی اجماع لار" (Imagined Communities) آدی اثرینده مدرن دؤولت ملت لری بیر پاراوه م و خیال لارین یایلیب، عمومی لشمه سی نین نتیجه سی اولدوغونو ثبوت ائتمه یه چالیشیر. آندرسون بو اثرینده گؤستریرکی بیر سیری ایله تاریخ بویو هئچ اهمیت لی بیر رابطه ده یاشامایان انسان لار و خالق لار تکجه "دویغولار" اساسیندا مدرن معنادا "دؤولت ملت" سویه سینه قالمیش دیرلار. بو دویغولارین یارانماسینا گلدیکده ایسه ماکیاولی نین سؤزونجه دین (یا باشقا بیر ایده ئولوژی) منم منم لیک لره غالب کلمکله ممکن اولور. یوخسا منم منم لیک لرین زهری ایله مسموم اولموش "من لر" و "فردلر" هئچ آنلام دا و هئچ آد الیندا بیرلشه بیلیرلر.

منفی منم منم لیک مسابقه سی

بو مهم بحث آذربایجان ربا یجان ملی حرکتی او چون یکی باخیمدان مهم دیر. بیرری بیزیم "ملت" کیمی فورمالاشیب فورمالاشدیغیمیزا دائر مباحثه لرده. آما بو مسئله بو مقاله ده باشقا بیر باخیمدان ماراخلی دیر: خارجه آذربایجان ربا یجان آکتیویست لری آراسیندا حاکم اولان آتسفیرین آراشدیرماسی.

بندیکت آندرسون ون فکر لری نه گوره: "ملت دؤولت" لر اهالی آراسیندا یاییلمیش "مشترک حس لر و مشترک خاطر لرده ن" دوغور لار، و تاریخ، دین، ایرق و سایر فاکتور لار ایکینجی او چونجو درجه لی رُل اوینایر لار. بئله حالدا بوگون خارجه آذربایجان مهاجرتی و ائله ایسه آکتیویست لری آراسیندا مشترک آنا وطن اراضی سی، مشترک آنا دیلی، مشترک تاریخ و دین کیمی عامل لرده ن آرتیق پسیکولوژی ک عامل لر ساییلان بیر سیرینه باغلی لیک حسی و مشترک خاطر لر حاکم اولمالی دیر. بو باخیم دان منم منم لیک لر باتلاق یندا اسیر اولان جمع لرین نئجه بیر آجینا جاقلی دوروم دا اولدوغونو باشا دوشمک اولار.

بئله لیک له آذربایجان آکتیویست لری آراسیندا موجود اولان انرژی، واخت، مباحثه و فکر مبادله سینه اولان هوس دوزگون بیر استقامت ده (جهت ده) کانلیزه اولماق او چون هئج بیر شانسی یوخ دیر. نتیجه ده بوتون بونلار غیبت سویه سینده بیر قورتارمایان داخلی چیریشمالارا صرف اولونور. ساواد، اجتماعی شعور و عمومی معلومات سویه سی آشاغی اولدوب، ملی فکر یا ملی ایدئولوژی نین حتی جیزگی لری نین (طرحی نین) اولمادیغی خالد بو داخلی مناقشه لرین سویه سی ده آشاغی و ایره ندیر یجی اولور.

۷- سیاسی اختلاف لارین رنگ سیز اولماسی:

یوخاری دا ملی ایده ئولوقیانین فورمالاشمادیغینا اشاره اولدو. ملی ایده ئولوقیا، ملی آزادلیق حرکتی نین سؤز سوز مباحثه سیز فکری تمل لری اولمالی دیر. بو ایدئولوقیانین اساس لاری معین لشرکن، مختلف سیاسی فکر لر صاحب لری اؤز لری بو مشترک تمل لره نسبت ایضاح ائتمه لی دیر لر: من حاقلی یام چون ملی ایده ئولوقیانین اساس لارینی دوزگون آنالیب، اؤز سیاسی پلاتفرم یمدا نظر ده آلمیشام یا سن حاق سیز سان چون ... و سایر. ملی ایده ئولوژی حق و ناحق، محلحت لر، تاکتیک لر و سیاسی آتدیم لارین عیارلارنا و یوخلانما مرجعی اولمالی دیر. بوگون بئله بیر مرجع یوخ دور. بو وضعیت ده سیاسی اختلاف لارین آشیب داشماسی چوخ طبیعی حال ساییلایر لدی. اگر تمل لر آیدین دئیل لر، اوندا هر آغیز دان بیر آواز گلمه سی چوخ طبیعی بیر حال اولاردی. آما نه دنسه بئله دئیل دیر. اوردا بوردا آریا گلن سیاسی فکر لر یایر سیرینه بنزه بیر لر یادا کنکرت فعالیت لر مئیدانینا گلدی کده ایلکین سیاسی آیریلیق، فعالیت بیر لی یینه ختم اولور. توران قورماق ایسته ین لر، واحد آذربایجان ایده سی نین طرفدار لاری، فدراتیو ایران چرچیوه سینده آذربایجان ایالتی نین مختاریتی یا مدنی مختاریت ایسته ین لر، بوتون ملی ظلم ین آنا دلیل میزین رسمی دلیل اولماسی ایله آرادان قالخا بیله جه یینه اینانان لار و سایر هامیسی کنکرت فعالیت لره گلدی کده چوخ باخین لاشیر لار. بو مدعانین بیر مثالی تریبون درگی سی دیر. بو درگی نی حمایه ائدی ب، اؤزونون و اؤز ونده ن بیلن آذربایجان لی لار آراسیندا بوتون سیاسی فکر لرین صاحب لری نی گؤرمک اولار. داها ماراخلی بودورکی بو درگی نین مخالف لری ده (آز اولسالاردا) عین حالدا بوتون سیاسی فکری قورولاشمالاری اؤز ونده احتوا ائدیر.

منفی منم منم لیک مسابقه سی

ملی ایده نولو قیانین غیبتینه رغماً بو سیاسی یاخین لیق آذربایجان ملی حرکتی نین آن بؤیوک خوشبخت لی بی اولمالی ایدی. آما تأسف له بئله دئیل. سیاسی فکر لر آیریلیغی نین رنگ سیز اولماسی باعث اولورکی جریان لار، درنک لار، مطبوعات اورقان لاری و شخص لر اؤز پروفیل لرینی معین لشدیررکن، سیاسی پلاتفورم لار یئرینه، منم منم لیک داواسی، اتهام، آد قویماق (پان تورکیست، ایران چی و یا باشقا بیر دؤولته باغلی اولماق و سایر اتهام لار کیمی) و باشقا زهرلی متدلار آ آتماغی لایم گؤرورلر.

۸- داخلی وحدت یارادان خارجی عاملین ضعیف حضوری:

بوگون آذربایجان اکتیویست لر ی نین بیر قسمی نین معناسیز و یونگول داخلی اختلاف لاردا بوغولماسینا باعث اولان باشقا بیر عامل کیمی عادتاً بیر لیک یارادان خارجی مانع لرین گؤز اؤنونده اولماماسی دیر. معلوم فاکت دیر کی هرگاه بیر خارجی عامل بیر جمعی هدهله بیر (تهدید ائدیر) اوندان بو جمع ده داخلی وحدت یارانیر. بوگون آذربایجان لی لارین بوردا حاقیندا بحث اولان محفل لرینده بیزیم وارلیغیمیزی هر یاندان هدهله یین قارا قوه لرین وجودو، پلان لاری و گوجلو جهت لر ی بیلرک ده ن (عمدی) انکار اولماسادا گؤرسنیلمز و اهمیت سیز بیر سیمادا تصویر اولونور. بو مسئله نین بلکه نمونه وی کاراکتر داشایان بیرینی بیر دوست یین آلماندا اؤز یاشادیغی شهرده شاهد اولدوغو احوالات دا آیدین لیق لا گؤرمک اولور:

"... یعنی چه کؤچدویوم شهرده وضع داهادا پیس ایدی. بوردا او واختا کیمی گوردویوم و ائتشدی ییم حال لارین هئچ ده اکسترم نمونه سی ساییلما یان محفل لرین بیرینه گل گئمه باشلادیم. اول لر هامی بو محفل ده اولما یان آذربایجان لی لارین هر بیر ایشینی پیس له مک له مشغول ایدیلر. ائله بیل بومحفل باشقا آذربایجان لی لارین علیه یه یارانمیش دیر. ایش باجاران و یا بیر ایش گؤره نلر قارشی غیبت لر داهای زهرلی ایدیلر. ائله بیل هامی گؤز گؤزه دوروب بیرینی بیر ایش گؤرمه سینی گؤزله بیردی. بیرینده ن بیر کیچیک یا بؤیوک فعالیت باش وئره ن کیمی تلفون لار ایشه دوشوردی ... آما همیشه یئکه یئکه سؤزلر دانیشیب آلکرینی آغدان قارایا وورما یان لار راحت ایدیلر. مباحثه اولان ۵ مسئله نین می سایر آذربایجان لی لارین اؤزلری، فکر لری و فعالیت لرینه قارشی ایدی. یاواش یاواش ایش صرف عوام آراسیندا موجود اولان غیبت چی لیک سویه سینه یئندی. قاباخ یاشادیغیم شهرده باش وئردی یی کیمی بوردا غیبت لر محفل یین اؤز ایچینه ده سرایت ائتدی. داهای "دشمن" محفل یین ایچینه آختاریلدی. هره بو دشمن پالتارینی بیرینی آییننه گئیدیرمک ایستیردی بیر نفرین بخت اولدو زو خصوصی ایله باتمیش گورونوردو. بو یازیق یین آدی هر غیبت ده چکیلیردی. آخر بیر یارانمیش وضعیتی بئله توصیف ائتدی: اگر فلان کس بوردان گئتسه اوندان بیز یازیق اولاریق! چونکی داهای نه دالینجا دانیشماغا بیر آدام قالار و نه گؤرمه یه بیر ایش!! وضعیت یین بئله پیس اولدوغونو گؤره بیلن و گوردویونو بئله آچیق اعتراف ائتدی یینده ن خوشوم گلدی ..."

فارسجا یازیلیمیش مکتوب دان ترجمه اولموش بو سطر لرده کی احوالات اوزو بئله منظره لرین شاهدی اولما یان لار آ یانایلماز گلسه ده، نه قدر آجی اولسادا، تأسف لر اولسون کی تکجه بیر شهره عاید دئیل دیر. بو زهرلی آتمسفر لر

منفی منم منم لیک مسابقه سی

چوخلارینی بئله محفل لردن همیشه لیک اوزاقلاشدیریب، داها چوخلاریندا بئله محفل لره یاخینلاشماق هوسی نی همیشه لیک اؤلدوروب دیر.

۹-تشکیلات هیرارشی سی نین اولماماسی

بو اوغوسوزلار و طفیلی لر قوشونو هر حرکت یین سوراغینا گنده بیلر و کنکرت شرایطدهن آسیلی اولاراق منفی یا مثبت بیر رُل اوینایا بیلرلر. اوغورسوزلارین بوتون انقلاب لارین میلیون لوق قوشونو آراسیندا فعال حضورو سؤزسوز دیر. باشقا طرفدهن هر تشکیلات یین اطرافیندا کنکرت تشکیلات ایشلرینده فعالیت ائتمه یین آما تشکیلات یین حمایه چی سی و یاردیم چی سی اولان قوه لرلی دولو اولور. ایران سیاسی تشکیلات لاری اونلاری احاطه ائدهن قوه لرلی مشغول ائدیپ اؤزلرینه باغلی ساخلاماق دا مین بیر شیوه یه آل آتیردیلار. بو قوه لر چوخ واخت سای و کمیت باخیمیندان تشکیلات یین اؤزوندهن بؤیوک اولوردولار.

آیدین دیر کی هئچ کسین آلتینا طفیلی اولماق یازیلما ییب دیر. آما هر تشکیلات آپاردیغی فعالیت لردن آسیلی اولاراق اؤز هیرارشی سی نی یاردیر و بو هیرارشی نین واسطه سیله، اؤزوا یله بو طفیلی لر آراسیندا چکدی بی سرحدلری قورویور. مثل اوچون بیر ساده حوزه ده عضو اولماغا ائله ریتوال لار و قایدالار قویورکی بیر مکتبخانا ایله دیوانخانا گؤرمه میش طفیلی اوچون دؤزولمز و حوصله آپاران اولور. تشکیلات اؤزعضولرینی مختلف کاته قوری لره بؤلور و هر کاته قوری یه مخصوص بیر استاتوس قائل اولور. هرکس بیر رتبه آر تیپ یوخاری کاته قوری یه منسوب اولماق حسرتینده اولور. بو ترفیع رتبه ایسه بیر باغلی قاپی اولورکی اونون آچاری رهبرلیگ یین آلیندن بیر آن لیغادا چیخیمیر. نتیجه ده طفیلی لر ایله تشکیلات آراسیندا و تشکیلات یین آشاغی سی ایله یوخاری سی آراسیندا مانع لر کئچیلمز اولماسادا، محکم اولور. بوگونکی آذربایجان تشکیلات لارینا گلدیکده بئله بیر هیرارشی نه سؤزون منفی معناسیندا (بورو کراسی فورموندا) و نه مثبت معنادا یوخدور. نتیجه ده آذربایجان آکتیویست لری نین ییغینا جاقلاری و تنفس ائتدی کله ری فضالاردا هامی نین (اوجمله ده ن طفیلی لرین) هامی ایله قول سبویون اولماسی نین شاهدی اولماق اولار. بوردا هئچ نه یین اوزون مدت لی ارزش ساییلماسینا اینانماق اولماز. بوردا آشاغی دان یوخاری اوغورسوزلار و طفیلی لرین پناه گتیردی بی نین شاهد اولماقلا برابر، اونلارین هر بیر ارزشی آیاق آلتیندا تاپتالامالارینی و هر بیر استروکتورون اونلارین وجودیله داوام سیز اولدوغونو گؤرمک اولار. بونلارین جولانگاه یینا چه ور یلمیش فضالاردا ایسه گئت گئنده ارزش لر و بو ارزش لره اینانان آداملارین حضورو سیره ک لشیپ و داغیلما غادوغرو گنده بیلر. بئله فضالاردا هامی عهده سینه آلدیغی رُل دان، باشقالاری نین اوغورلاریندان و اؤزونون اوغورسوزلوغوندان ناراضی قالیر. بیر سؤزله هامی نی یا هره اؤزوندهن سَوای باشقالارینی گناهکار گؤرور.

یوخاری دا قید اولدوکی "منفی منم منم لیک مسابقه سی" سیاسی باخیم دان نئوترال دیر. یعنی بئله بیر مسابقه، تصور اولونان هر ایکی سیاسی فکره اینانلار و عینی سیاسی فکره اینانلار بلوکی نین ایچینده ده باش و شریر. آما بو ادعانی رد ائتمه ده ن دقت ائتمک لازم دیر کی طفیلی لرین هارا جذب اولوب هاردان اوزاقلاشمالاری سیاسی فکر، فعالیت شیوه لرلی و تشکیلات استرکتورلاری کیمی فاکتورلارا قارشی نئوترال دئیل دیر.

منفی منممنلیک مسابقهسی

اریک هوفرین فکرینه گۆره اوغورسوزلار اساساً رادیکال شعارلارا جذب اولورلار. فعالیت شیوه سی باخیمیندان حربی و انقلابی مارشلار، قیشقیرماق و داغیتماق، گوجلوسرکرده سئوه و جماعتین راکسیاسی نا(عکس العملینه) حساس لیق و باغلی لیغینی ایتیرمیش کیچیک سکتاریستی قورولار طفیلی لر اوچون ایده آل سایلیر.

اوغورسوزلار و طفیلی لر قوشونو عین حالدا هر آداما قول اولماق و هر "اماما" بیعت ائتمکده اؤز درد لرینه توخداق تاپا بیلیرلر. اونلار عادتاً انسانلارا انسان کیمی هئج ارزش قویمایان عین حالدا اؤز مقصدلری یولوندا باشقالارینی manipulation ائدیپ، اونلاردان استفاده ائتمک ایسته ینلره جذب اولورلار. جذب اولاندان سونرادا یالان، سؤیوش، هده (تهدید)، فیزیکی حمله و بونلار کیمی متدلاردان چکینمه یین طفیلی بیر شخص جمع قارشى سیندا سؤز سوز اوستون لوکلری اولور. چونکی بو متدلار قارشى سیندا دوران جمع همین متدلاردان استفاده ائتمی یی اؤزونه سیغیشدیر ایلیمیر. (معروف مثال: ایت آداما هوروب یا آدامی قاپدیغی حالدا، آدام نه ایته هورور ونه ایتی قاپیر!)

اوزون سؤزون قیصاصی: تشکیلات هیرارشی سی اؤز یئرینده و متعارف

حدینده اجتماعی و سیاسی فعالیت اورقانلارین کادرلار باخیمیندان صاف-چوروک ائدیر و بو اورقانلارین سیرالاریندا فعالیت ائده نلری آشاغی بیر یئر یا یوکسک بیر منزلتده اوتوردماسینا هامی نین قبول ائدی یی بیر اساس یارادیر. (: یازیلی و " یازیلما میش " نظامنامه).

بو هیرارشی اوتوریتیه بحرانی و منممنلیک داوالارینا سون قویا بیلر. بو هیرارشی تکجه ملی ایدئولوژی، بیلک و تجربه اساسیندا، انتلکتوئل بیر آتمسفرده، صداقتلی و حقارت عقده لرینده ن اوزاق آداملار آراسیندا یارانا بیلر. بئله هیرارشیلی استروکتور و اولان تشکیلات یین اؤزه یی معین سایه دا کیفیتلی کادرلار و عضولرله محکم لنمه لی دیر. بوجور نئچه لایه لی (هیرارشی لی) تشکیلاتلار یین یارناماسینا لازم اولان مصالح یعنی بیلکلی، صداقتلی و کؤنوللو دیسیپلین قبول ائتمه یی باجاران آداملار یین اولما دیغی شرایطده هامی نین هامی ایله قول بو یون اولوب ضابطه سیز دیسیپلین سیز اورقانلار یارادماق دوزگون دئیل دیر. هر باخیمیندان مختلف سو یه لره منسوب اولان شخصلری بیر یئره بیغماق نهایت هامی نی هامی نین قارشى سیندا قویوب، تشکیلاتلار و حتی محفل لری آتمیزه ائدیر. بو پروسه آرتیق بیر سیرا شهرلرده باشاچاتماقدا دیر. یاریم چی لیق و ضعیف درنکلر داغیلیر و سونونجو قالان آدام (لار) منهزم قوشونون بایراغی نین، هر دم توزونو سیلمه لی اولور. گؤروش لر یین باش وئردی یی آدسیز آدرس سیز محفل لر یین داغیلما سی ایله آذربایجان آکتیویستلری نین تکستک آداملار تجزیه اولماسی (آتمیزه اولماق) آجی بیر فاکت اولور.

بو مسئله "بیر لایه لی تشکیلات دا بحران" ادلی مقاله ده (تریبون، ۲-جی سای، ص ۱۷۴-۱۸۶) آچیلیب و اوردا مقاله نین یازیلدیغی تاریخده ایسوجه حکم سورهن شرایطه او یغون بیر چیخیش یولو گؤستر یلمیشدی. آما مسئله نین قلوبال حل ی آیریجا و اطرافلی مباحثه اولونمالی دیر.

مسئله بودور کی حاضرکی آذربایجان ریا یجان مهاجرتی نین فعال لاری مختلف سیاسی فکرلر و سیاسی معلومات اساسیندا سیاسی بلوکلار یا پارتیالار بؤلونمه میس دیرلر. بوردا چوخ آشاغی سو یه ده سیاسی لشمک و ساوادلا شماق لا برابر چوخ بیر یوکسک سو یه ده منممنلیکلر یین شاهدی اولماق اولور. آذربایجان ریا یجان مهاجرتی آکتیویستلری نین

منفی منم منم لیک مسابقه سی

تنفس ائتدی کوری آتمسفر بو منم منم لیک لرین زهری ایله آغیرلاشمیش دیر. بو میدان "من لرین،" باتمان" لارین و "بوردا منم، بغداددا کور خلیفه دیر" شعاری و ثرنلرین جولانگاهی اولوب دیر. مسئله نین آغیرلیغی تکجه آدمالارین شخصی یا کهنه اختلاف لاری دئیل دیر. ایش ائله بیر مکانیسم لر و منفی معنادا "مساعد" شرایط واردیر کی بو نوع اختلاف لاری دائما و هر بیر کیچیک محفل ده یارادماغا قادر دیر. ظن ائتمک اولار کی بو مکانیسم بو گونکو افکت و سرعتی ایله فعال قالسا آذربایجان ربا یجان آکتیویست لرینی آتمیزه ائده نه کیمی شیطاننی ایشینی دوام ائتدیره جک.

"منفی منم منم لیک مسابقه سی" یوخاری دا شرح ائدیلمیش بیر چوخ چاتیشما مازلیق لارین (عرفانی معنادا) "تجلی" سی دیر.

١٠- دمکراسی و تشکیلات لانا مق عنعنه لرین نین ضعیف لی یی

بیر پارا تجربه لرین گؤستردی یینه گؤروه، تشکیلات لانا مق عنعنه لرین (سنت لری) و دمکراسی نین اولمادیغی شرایط ده تربیه اولموش انسان قورولاری بیرده ن-بیره بیریره توپلاشماق شانسی تاپیرلار سا، بیر پارا خسته لیک لره دوچار اولماقلاری حتمی دیر. یوخاری دا ساییلان خسته لیک لر و چاتیشما مازلیق لارین چوخو بیزیم کیمی بیرده ن-بیره تشکیلات لانا مق شانسی تاپمیش قورولارین چوخوندا، اؤزونو گؤستریمیش دیر. عراق کوردلری و ایسوجین «لاپ لار» یا باشقا آدلا «سامی لر» ینی بو ادعائین ثبوت ینا مثال کیمی گؤستریمک اولار.